

Hanner Tymor 12/2/18 - 16/2/18

Ar ôl ysgol

Er mwyn sicrhau diogelwch y disgyblion, gofynnwn yn garedig i chi sicrhau nad yw eich plentyn yn reidio beic neu sgwter ar iard yr ysgol. Sicrhewch fod eich plentyn gyda chi drwy gydol yr amser a gadewch yr iard mor fuan â phosibl.

Datblygiadau yn yr ysgol

- Mae'r ysgol wedi cael gwahoddiad i arwain gyda chynnig Prifysgolion Bangor a Chaer ar gyfer rhaglenni hyfforddi athrawon.
- Bydd yr ysgol yn mabwysiadu'r fenter "Cymraeg Campus" sy'n hybu datblygiad llafaredd yn y Gymraeg.

Diwrnod Datrys Problemau

Cafodd disgyblion Blwyddyn 6 gyfle i dreulio Diwrnod Datrys Problemau ar 26ain Ionawr trwy garedigrwydd G2G. Bydd rhai o'r disgyblion yn cael cynnig i ddatrys problemau yn ddefnyddio Lego mewn cystadleuaeth drwy Gogledd Cymru.

Meddylfryd Twf

Fel rydych yn ymwybodol mae'r ysgol wedi bod yn arbrofi gyda 'Meddylfryd Twf' y flwyddyn diwethaf (yn seiliedig ar waith ymchwil Carol Dweck-mae llwyth o wybodaeth ar y we). Mae'n canolbwyntio ar yr elfennau hyn: Gweithio'n galed; Dyfalbarhad; Gwydnwch (peidio â bod ofn gwneud camgymeriadau).

Eleni rydym am geisio canolbwyntio ymhellach a thrwy rannu gwybodaeth efo chi, y gallwch chithau gyfrannu tuag at y broses. Y nod yw: Ceisio newid y ffordd mae disgyblion yn wynebu eu tasgau, gwaith ac unrhyw heriau; Gosod heriau fel bod ganddynt gyfleoedd i wella a datblygu; Modelu iaith Meddylfryd Twf drwy gamol, gan ffocysu ar weithredoedd ac ymdrech.

Wrth i blant dyfu maent yn cymharu eu gallu gyda phlant eraill. Mae eu dealltwriaeth yn gwella ac maent yn dechrau creu darlun personol o'u hunain. Maent yn dechrau meddwl bod rhai plant yn "glyfar". Byddant felly yn datblygu 'Meddylfryd Caeedig'. Mae'n bwysig felly dechrau dysgu meddylfryd twf cyn gynted â phosib a gallwn weithio gyda'n gilydd ar wella deilliannau a gwydnwch.

Am y mis nesaf gyda'ch cymorth chi, bydd y staff yn canolbwyntio ar yr agwedd:- '**Allai ddim ei wneud.....eto!**' Defnyddiwch hwn adref er mwyn annog gwelliant yn eu gwaith a'u hagwedd.

Dathlu Penblwydd

Hoffwn i chi beidio ag anfon cacennau dathlu i'r ysgol os gwelwch yn dda. Efallai nad oes disgybl gydag unrhyw alergedd o fewn y dosbarth ond mae rhai disgyblion yn ysgol yn dioddef o wahanol alergeddau a byddai unrhyw wrth-heintiad yn gallu arwain at adwaith alergol.

Eglwys Efengylaidd

Cafodd disgyblion Blwyddyn 5 a 6 gyfle i fynychu Eglwys Efengylaidd, Craig y Don ar 23ain Ionawr fel rhan o'u hastudiaethau Addysg Grefyddol.

Staff

Yn anffodus mae Miss Laura Williams Cymhorthydd Dosbarth wedi gadael yr ysgol. Llauer o ddiolch iddi am ei gwaith caled a phob hwyl yn ei swydd newydd.



Beiciau Balans

Cafodd ein disgyblion dosbarth derbyn sesiynau gan staff yr AAL i helpu iddynt ddatblygu eu sgiliau symud.

Eisteddfod yr Urdd

Dyma ddyddiadau pwysig ar gyfer holl eisteddfodau yn 2018:-
21/2/18 Eisteddfod Ddawns Cylch Ysgol Pencae; 24/2/18 Eisteddfod Cylch Ysgol y Creuddyn; 26/2/18 Celf Cylch Ysgol Morfa Rhianedd; 27/2/18 Celf y Sir yn Llanrwst; 17/3/18 Eisteddfod Sir Ysgol Dyffryn Conwy; Eisteddfod Genedlaethol Wythnos Sulgwyn yn Llanelwedd.

Clwb Brecwast

Nodwch os gwelwch yn dda oherwydd rhesymau Iechyd a Diogelwch ni allwn dderbyn plant i'r Clwb Brecwast **ar ôl 8.20 yb.** Diolch.

Presenoldeb

Fel rydych yn ymwybodol, mae gan yr ysgol darged presenoldeb o 95%. Y tri dosbarth a berfformiodd orau yn ystod mis Ionawr oedd dosbarth Mr Humphreys 98.1%; dosbarth Mrs Southall-Jones 97.4% a dosbarth Mrs Jones 97.3%.

Dyddiadau Pwysig

Hanner Tymor	12.2.18 - 16.2.18
Diwedd Tymor	23.3.18
Tymor Newydd	10.4.18
Nosweithiau Rhieni Derbyn - B16	26.2.18 manylion i ddilyn
Gwyliau'r Pasg	26.3.18 - 10.4.18